

遺

愁

集

遺愁集卷十二

成都余 齋生生

鑒定

松陵顧有孝茂倫

古吳張貴勝晉侯纂輯

李 寅露顧

程 烈彥明

友人

趙維烈承哉

李雲霑既足

訂正

程 燦然明

吳樾臣雲奕

錢賡梧雖臣

朱 范西畏

○○○一集頌鈍

是非之情人所共有廉恥之念豈日無之○○○○○惑於勢利爭爲語

婦○其○良○心○老○其○面○皮○集○頤○純○

晉桓玄反遷帝於潯陽卽帝位登御座而牀忽陷群下皆失色
殷仲文進曰良由聖德深厚地不能載玄大悅

唐楊再思爲人狐媚人戲之曰楊公面若高麗再思欣然爲高
麗舞或譽張昌宗云六郎貌似蓮花再思曰不然乃蓮花似六
郎耳

宋趙師韞詣事韓侂冑一日遊南園山庄顧左右曰竹籬茅舍
真乃田舍間氣象但少大吠鷄鳴耳未幾犬吠聲薄視之乃師
韞也衆大笑

無鹽者齊之醜女髮黃肌黑目深鼻聳耳歪面凹聞西施患心

齊捧而舉人愈以爲美亦效之見者欲嘔年三十而無人妻
婚乃自詣於齊宣王門爲陳時政王大駭服拜爲后

袁昂始事齊明帝曰昂昂千里駒卿實有之今汝名昂卽字千
里特拜御史中丞後復事梁爲吏部尙書武帝戲曰昔齊用卿
爲黑頭御史今朕用卿爲白首尙書昂甚慚謝世號爲宗臣

宋山陰公主適何戢謂文帝曰陛下六宮數百妾惟駙馬一人
何不均之甚帝晒之吏部褚彥回美鬚容一日值宿西閣至夜
就之不爲移志主曰公岳如戟何無丈夫意趣褚曰臣雖不敏
不敢首倡亂階

唐中宗宴羣臣祝明欽新中六經科與宴自言能爲八風舞乃

俄地搖頭轉目帝大笑盧藏用嘆曰是舉五經掃地矣

人有一女兩家求之父曰東家富而醜西家美而貧欲東則
在欲西則右袒女乃兩袒父曰此是何意答曰願東家食而
西家宿

天下無兩全之事此女見識真堪絕倒直可補造化之所不
逮

唐李休甫有六女極珍愛廳事壁開一機懸飾以異寶障以絳
絲使諸女戲於窓下笏子弟人謁輒令自選覓取可意者事之
唐魏元忠爲相有疾僚屬往省郭弘伯爲御史獨後因效越王
故事請觀使演卽染指嘗之以驗病之輕重賀曰古云甘者不

瘳今幸味苦保爲無恙元忠惡其諂媚尋得疾愈暴其語於朝問者鄙之

唐盧肇黃頗皆宜春人同舉於鄉郡守獨饒頗明年肇狀元及第歸守接禮甚厚延觀競渡肇云剛道是詭偏不信果然奪得錦標歸守大漸

宋丁謂貶崖州司戶意甚無聊嘗謂客曰天下州郡孰爲最大客曰京師也謂曰恐未必然朝廷宰相今且爲崖州司戶則似崖州爲大矣聞者絕倒

進士張光遠性喜勢焰每干索權豪無厭或遭門吏撻辱畧不悔改時人語云光遠顏厚遠過十重鐵甲

則天朝后有疾。遍祭神廟。給事中閻朝隱親撰祭文。以身代。遂沐浴伏於俎盤。令僧道迎至神所。觀者如堵。張元一乃書代。其詞以進。后大笑。

唐張說爲承旨。士爭趨之。富川王質。吳興沈瀛。夙負聲譽。及同官樞屬。交以詰說爲戒。衆聞而壯之。一日質乃瞞沈密潛往。說致歛升堂。而瀛已先在不覺。相視愕然。

生性前婚者。雖強作硬漢。到底熱中。決忍不住的。可發大噓。宋崇寧末。蔡京爲相。策進士蔡疑。以詔附得首選。一日晉謁。乃認京爲叔。京命二子攸修出見。疑不敢以兄弟相稱。亟云向者大誤。細思宗譜。公實叔祖。二尊係諸父行也。京與二子不覺失。

笑

程松諂事韓侂胄獻一妾於平原名爲松壽韓曰奈何與大家
同名松曰欲使賤名常達鈞聽庶幾得蒙記憶耳

唐宦者魚朝恩用事得賜金二錠轉奉錢溥溥欣然受之曰當
與捕判作首資常項戴太監

宋世宗至殿貴妃慕周劉德願曰卿等哭妃若悲當加厚賞德
願應聲號慟涕泗交流羊志亦嗚咽甚傷他日或問羊曰公輩
加得有此副急淚羊曰我爾日自哭亡妾耳

元危素死難不果徐達載以歸太祖雅重其名乃命爲學士一
日上御東閣靜坐聞履聲囊囊徹簾內詔問爲誰對曰老臣危

素上日是爾耶朕將謂文天祥耳素惶懼汗流明日謫居和州
竟以憂死識者鄙之

王莽因臘日上椒酒陰置毒酒中帝飲之得疾莽乃作策請命
於秦時願以身代藏之金匱已而上崩謝鸞奏言孟通浚井得
白石有丹文曰告安漢公爲皇帝因請踐祚莽僞爲謙讓謂之
攝皇帝後漢兵謂莽鴆殺平帝乃發策金匱泣示群臣及被迫
僞不食身隨斗柄高坐曰天生德於予漢軍其如予何卒爲衆
所殺

嘗讀詩而見周公恐懼流言曰王莽謙恭下士時假使當年
身便死一生真僞有誰知不禁廢然曰嗟乎以此言之則蓋

棺尚不能以定論乎孰知天公至巧再不肯使人半路埋沒
好反必有個結局的

唐天后多引學士韋元萬頃等使撰列女傳密令參決表奏以
分宰相之權謂之北門學士

正堪與史記風上見人作配

醴泉人侯思正求爲御史天后曰卿不識字對曰解豸何嘗識
字但取其能觸邪耳后笑而從之

侍御史傅遊藝上表請改國號太后遂以唐爲周稱則天聖神
皇帝立武后七廟以遊藝爲大將軍期年之中歷衣青綠朱紫
時號四時仕宦

晉王受禪稱帝求唐舊臣蘇循詣行在循至魏州卽拜謂之拜

殿見王呼萬歲獻筆三十枝謂之畫日筆

馮道滑稽多智浮沉取容自唐莊宗至周世宗歷仕五朝不離
宰相三公之位每更易一朝輒首爲勸進以獲寵嘗著長樂老
敘自述一生榮遇之狀時人難以德量推之然終爲世所鄙
越叙得榮耀却是自畫供招反不如不叙的藏拙乃名臣傳
中首爲記載令人有穢史之歎

丁謂與寇準同相謂因寇稱譽得致通顯雖同列而事之甚恭
嘗會食中書羹污準鬚謂起拭之準笑曰叅政國之大臣乃爲
官長拂鬚耶謂大愧恨

宋鄧綰附會新法王安石喜之拜爲侍御史都人笑罵綰曰笑

罵由他笑罵好官還我爲之

宋吏部尙書許及之久不遷見韓侂冑不覺屈膝及生辰爭先慶祝及之後至門已閉而闢未下遂俯僂而入時人謂之由寶尙書屈膝執政

南燕汝水冬月不冰燕王超惡之李超曰良由逼帶京城近日色也陽氣照臨是以不冰燕王大悅

謂佞之談可與殷仲文相伯仲

宣和辛丑方臘作亂官軍討之所過俘掠縉雲富民陳氏二女金爲所執植刃於旁曰從我則歸否則死長女不爲動延頸受刃軍斫之死次女竟受汗後有責之者曰爾獨不爲姊所爲乎

大女慘然應曰難難難

昔有姑嫂二人路經高郵州蚊蟲極多因無帷帳嫂不能忍
遂往鄰舟客帳借宿竟爾失節其姑端坐達旦爲蚊嚙死皮
肉都盡骨爲之出地方以聞勅旌爲露筋娘娘建廟設祭迄
今爲神設有人責其嫂必應爲難即使詢其姑亦必應爲難
余因借此以與陳氏二女參看

宋神宗頻幸蔡京第有謝表云主嬪上壽請酌而肯從穉子牽
衣挽留而不卻時傳以爲笑談

明正統間太監王振擅權戶部侍郎王祐拜爲義子出入其門
祐貌美而無鬚善伺振顏色振甚眷焉一日引日王侍郎爾何

無鬚祗對曰老翁無鬚兒子豈敢有鬚振爲微笑心甚鄙之
宋王全斌伐蜀蜀王孟昶遣王昭遠禦之昭遠接嘴而言曰吾
此行非止克敵取中原如拾芥耳執銳如意指揮三軍自方諸
葛武侯宋師擊之三戰三敗退次魏城羞不敢出

王昭遠敗蜀王請降因命李昊草表前蜀王衍之亾也降表亦
出昊手蜀人乃夜書其門曰世修降表李家

余故業叛命郭弘伯討之誓云吾必抽其筋食其肉飲其血絕
其髓武后聞之大悅特授御史時因號爲四其御史

漢王莽記外國重驛來朝獻白雉太師孔光等遂稱莽功德比
周公致成周白雉之瑞宜號爲安漢公加宰衡莽謬爲謙讓太

保祥復奏言天下雖公辭讓莫不何化蜀男子路建等言
作雖文王卻虞芮何以加宜報告天下

嘉靖時方士段朝用以燒煉術詣郭勛以進特賜名紫府宣忠
高士復獻萬金以助工雷壇上悅後屢試其術悉不驗遂疎之
萬曆五年丁丑閣臣張居正居父喪奉旨奪情視事編修吳中
行趙用賢刑部員外艾穆主事沈思孝交章劾其貪位忘親居
正大怒欲加重罪禮部尚書馮自强爲解居正以一手撫鬚跪
曰公饒我掌院王錫爵亦造來次求寬居正曰聖怒不可測錫
爵曰卽聖怒亦爲老先生而怒豈容坐視語未畢居正不覺屈
膝於地舉手引頸作殺鷄狀曰爾殺我爾殺我錫爵大驚趨出

明日四人同時受杖尋遣戍觀政進士鄭元標憤甚視四人杖○發○漢○畢而上疏越二日亦有旨廷杖謫貴州都御史陳瓚在告貽書馮自強曰師相事宗伯宜倡疏留勿遣我名自強嘆曰此老病必不起心先死矣

李自成入承天門顧盼自得躍馬擗弓指門榜語諸賊曰我一矢中其字必一統及射之卻不中中天字下自成愕然賊將牛金星進日中其下當中分天下自成喜投弓大笑

永樂既立覽章奏多干犯者輒令焚之以滅其跡已而問解縉等曰爾輩宜皆有之衆猶未對修撰李貫進曰惟臣實無上日爾獨以無爲賢耶食其祿則思任其事朕非惡盡心於建文者

世惡誘之壞法道之亂政者耳買大慚

成化中萬安以萬貴妃得寵冒認同族結爲兄弟進僧繼曉以
固寵深結李孜省以針援孝宗東宮時檢知其惡及憲宗崩什
道交章論之上令懷恩以疏至閤示安毋展一卷安跪泣乞哀
全無去志恩乃令摘其所佩牙牌推其背曰請出矣安始惶悚
歸第安久在內閣人或諷之卽曰安惟一死報國及被黜在道
猶看三台星真復用也其無恥如此

嘉靖十四年給事中薛宗鑑孫應奎合疏論吏部尙書汪鉉姦
貪誤國鉉上章自理全無去意上雖慰留而心頗鄙之召費宏
李時言曰茲爲九卿之長彼論如此何顏立朝且又不肯自陳

如國體何卿輩宜使聞之二人遂以諷鉉鉉不得已始引疾歸

遺愁集卷十二

○○○一集窘急

欲人不知除非真做我待防他他先識破抵捍不來遮藏不
過漏洩機關心驚膽怖集窘急

唐孟浩然與王維友善一日隨入內署俄而玄宗駕幸維第浩
然不得已急匿牀下帝覺之間爲誰維以實告上曰朕久聞其
名未識其面詔使出見令誦生平得意詩浩然誦至不才明王
業多病故人疎上不悅曰卿不求仕朕未嘗棄卿奈何怨望乃
爾易不云氣蒸雲夢澤波撼岳陽城之句耶乃放歸不用

宋趙普獨相十年太祖嘗幸其第會吳越遣使致書及送海物

命卽啟之開函皆瓜子金也普惶恐叩謝曰臣實不知上日第
受之彼謂國家事皆由汝書生耳普流汗沾背

唐德宗微行西明寺宋濟葛中方坐抄書上曰茶借一杯濟曰
鼎水方煎請君自取上問姓名濟曰姓宋行第五須臾聞呼官
家濟惶恐無所容上曰宋五亦頗坦率後吏部放榜聞無濟名
上笑曰宋五又坦率也

宋真宗祥符中命詞臣撰日本國祥光記當直者學不優常以
張君房代之旣傳宣甚急而張適醉倒樊榭搖之不醒紫微大
密賜大年錢希白戲作問學令以誦之曰世上何人曉最閒司

監拂衣入華山世上何人號最忼紫微失卻張君房

唐則天朝武后常賜張昌宗集翠裘令與狄仁傑奕棋賭賽狄因指所衣紫駝袍曰臣以此敵后曰似爲不等狄曰此大臣朝見奏對之服也昌宗累局連北狄竟剝裘謝恩而出

明憲宗宴駕內監於宮中檢得一小篋皆房中術也署曰臣萬安進太監懷恩補至闕下當衆示安曰是豈大臣所爲乎安慚汗不能出一語

劉秀攻王郎至蘄會王子接起兵應郎城中擾亂秀急趕出至蕪荻亭餒甚馮異進荳粥又聞郎兵後追從者皆恐蕪淖沱河候吏還言河水漸流無船可渡秀使王霸再視霸恐衆驚詭曰

冰堅可渡遂驅而前冰果合渡畢而冰卽解及至南宮復遇大風雨貨粧盡溼秀引車入道傍空舍馮異抱薪鄧禹棄火秀對竈燎衣髣復進麥飯連夜馳赴信都

漢元嘉元年群臣朝賀梁冀帶劍入省尙書張陵叱出勅羽林虎賁奪劍冀致謝陵不應卒解之卽劾奏冀宜下廷尉治罪河南尹梁不疑嘗舉陵孝廉謂曰舉君實所以自壽也陵曰明府不以陵不才誤見擢敘今申公憲正所以報私恩也不疑大慚王敦作亂王導師宗族諸臺待罪周顗將入導呼曰伯仁以百口累卿顗不與言及見帝言導忠誠申救甚切及出導又呼之顗亦不顧但謂左右曰明年殺諸賊奴取金卽如斗大繫肘後

既又上表明導無罪言最懇至導不知深恨之及後呂綺說敦除顓等敦問導導不答遂收顓殺之追導檢中書故事見救已之表乃泣曰我雖不殺伯仁伯仁由我而死冥冥之中負此良友矣

隋楊廣淫暴文帝所寵陳夫人旦出更衣遇而逼之拒之得免上知之怒曰畜生無禮何足付大事獨孤悞我欲復太子勇廣遂欲父自立勇亦被殺因以同心結賜陳夫人遂召幸

唐太宗嘗玩禁中樹曰此嘉樹也宇文士及從旁譽之不已上正色曰魏徵嘗勸我遠佞人初不知佞人爲誰意疑是汝今果不謬士及叩謝慚懼無所容

唐宣宗詔刺史外徙必至京師面察能否令狐綯徙其故人爲
鄴州牧便道之官上見謝表謂綯曰朕以刺史多非其人故欲
見之以訪問其設法今詔命旣行直廢格不用宰相可謂有權
時天方寒甚綯汗透重裘顙不能答出曰吾每延英奏事未嘗
不汗沾衣也

中和元年宦官田令孜召朝貴飲張濬恥於衆前拜之乃先退
謝及客畢集令孜大言曰令孜與張郎中清濁異流今日於臨
處謝酒則又不可落羞愧無地

宋神宗嘗謂輔臣有無人才之嘆蒲宗孟曰人才半爲司馬
邵公濟所奪帝曰宗孟乃不取光耶只辭樞密一節朕卽位以來

惟見此一人他人雖迫之使去亦不肯也宗孟戰慄無所容
宋中書侍郎林摠唱貢士名不識甌盞字徽宗笑曰卿誤耶摠
慚急無語而爲發赤明日出知滁州

金粘沒喝入天長軍報至高宗倉皇無措乘騎馳至瓜州得小
舟渡江時汪彥伯黃潛善方率同列聽浮屠說法堂吏大呼曰
金兵掩至聖駕行矣二人相顧失色乃戎服策馬南馳

明武宗時流賊趙風子破泌陽前大學士焦芳棄家逃出僅以
身免賊焚其屋舍發其墓塚復取芳衣冠被之庭樹歷數其罪
惡引劍斬之曰吾今日誅此賊以謝天下進攻釣州不克初
欲屠城因尙書馬文昇家在園中竟引衆去

觀此則知惡人何嘗便宜善人幾曾喫虧可見賊也康知好
反若人不分善惡未免賊亦不如

遺愁集卷十二

○○○一集情癡

情○可○以○生○亦○可○以○死○既○不○可○有○又○不○可○無○果○若○有○情○癡○者○爲○
多○何○害○書○者○何○妨○籠○鷺○集○情○癡○

唐進士崔象辭曲江宴乃以雕輦載歌妓遊觀爲國司所發崔
沆王尉錄事判云深慚席帽密映璫車紫陌尋春旣隔同年之
面青雲得路可知異日之心

歐陽詹得太原妓遺詩曰自從銷瘦減容光半是思郎半恨郎
欲識舊時雲鬢樣開奴牀上鑷金箱

漢張敞爲京兆尹常爲妻畫眉長安中傳張京兆替嫵有司以

聞上問之對曰。剛房之內。夫顏之私情之所鍾。殆有甚於書者。上笑之。

唐玄宗宴諸王于木蘭殿。時木蘭花正發。皇情不悅。楊妃醉中舞霓裳羽衣一曲。天顏大喜。方知迴雪流風。可以旋天轉地。一日上在便殿。覽漢成帝內傳。妃子後至。以手整上衣領。曰。看何書。史上笑曰。是成帝獲飛燕記。因其身輕。若不勝風。恐其飄去。爲造水晶宮。令宮人掌之。而舞。復笑曰。爾則任吹多少。蓋謂妃微有肌也。妃曰。霓裳羽衣一曲。似可掩映前古。上曰。朕纔戲卿。便欲喚乎。

蜀後主自製小巾。宮女裹衣道服。簪白蓮冠。每侍宴酣醉。則免。

冠瑩警別爲一家之美。陸施脂粉夾蓮額號曰醉粧。國人歌曰：這邊走那邊走，只得尋花柳；那邊走這邊走，莫厭金樽酒。又與嬖佞韓昭、顧珣、潘迎等爲狎客，競以手搖頭令唐師入境。過其報而遊，迨師至利州，方知。將士忿曰：且打叔手搖頭客。周宣帝曰：自知身命促，把燭夜間遊。

郭璞有異術，偶至廬江太守胡孟康家，酷愛其婢，無由而得。乃取赤豆三升，咒之繞散其宅，主人晨起忽見赤人數千圍其家，甚惡之。請璞爲卜，璞曰：君家不宜畜此婢，可於東南二十里外賣之。此妖自絕，胡從之。璞私令人在彼候買，遂復爲符投井中，赤衣人皆反縛自投於井。

顧憺之嘗悅一鄰女挑之不從乃圖其形於壁以刺針釘其心女遂心痛憺之致其情從之遂密啟其針而愈

太學生任昉字少明眷一妓日夜不暫離妓以老嫗間隔謂昉曰吾二人情重莫若尋利刀共死一處昉作諾之乃覓木刀裹以銀紙數重置於枕下擇日就死妓深信焉臨期昉遂遷延時目伎稍疑揭紙觀之一木刀也卽大慟絕昉因作雨中花詞以曉之意始解情好愈密

晉桓玄請殷荊州殷正在妾房晝眠左右辭不與通後相遇言及此事殷曰初不眠縱有此豈不以賢賢易色也玄笑首肯孫子荆除煩服作詩以示王武子曰時邁不停日月電流神交

登遐忽已一週。禮制有敘。告除靈丘。臨詞感勸。中心若抽。王曰。我未知其情。生于文。文生于情。閱之。但覺令人悽然。增伉儷之重。

晉潘岳字安仁。妙有姿容。少時挾彈出洛陽道。嬾人遇者。莫不連手共縈之。或擲以菓。常滿車而返。左太冲張孟陽絕醜。亦復效岳遨遊。於是群女齊亂唾。冲委頓急歸。小兒見張。譁然共笑。至以瓦石投之。亦至盈車。

王戎喪兒萬子。山簡往省之。戎悲不自勝。山曰。孩抱中物。何至於此。戎曰。太上忘情。最下不及情。情之所鍾。正在我輩。山服其言。更爲之慟。

王凝之娶謝夫人既婚甚薄疑之既歸家意大不悅太傅慰釋之曰王郎逸少之子人亦頗不惡汝何懷乃爾答曰一門叔父則有阿大中郎羣從兄弟則有封胡字過末字不意天壤間乃復有王郎

桓子野伊每聽清歌輒喚奈何謝太傅聞之歎曰子野可謂一往有深情

阮仲容先幸姑家鮮卑婢及居母喪姑當遠移初云當留婢既終姑欲將去咸聞之乃偕客驟着重服自追之累驅而返曰人種不可失即孕之母

王瞻年少有令名神明可人謂青長影亦好嘗出行從拾

下○度○輒○流○涕○悲○哀○王○丞○相○曰○此○是○有○情○癡○

袁○粲○字○奉○倩○嘗○謂○婦○人○才○智○不○足○稱○當○以○色○爲○主○聞○曹○洪○女○美○

特○聘○焉○容○服○帷○帳○甚○麗○專○房○燕○婉○後○頗○冬○月○病○熱○乃○出○庭○中○自○

取○冷○還○以○身○熨○之○及○亾○嘆○曰○佳○人○難○再○得○痛○悼○不○已○少○時○亦○卒○

裴○令○聞○之○曰○此○乃○興○到○之○事○非○盛○德○之○言○予○與○後○人○莫○昧○此○語○

宋○陶○穀○學○士○使○江○南○與○妓○秦○若○蘭○交○好○贈○以○詞○云○琵琶○撥○盡○相○

思○調○知○音○少○待○把○鸞○膠○續○斷○絃○是○何○年○東方朔十洲記謂以鳳
喙麟角作膠能續斷絃

唐○楊○妃○死○於○馬○鬼○驛○以○紫○綃○裝○尸○瘞○於○山○側○後○玄○宗○幸○蜀○過○其○

所○念○之○使○中○使○具○棺○木○更○葬○則○見○故○香○囊○猶○在○懷○中○使○以○聞○上○

爲○之○流○涕○

鄭畋少女好羅隱詩常欲委身焉一日來謁畋知女意密令覘之因見其貌寢陋遂終身不讀江東篇什

衛洗馬玠初度江形神操倅語左右曰見此茫茫不覺百端交集苟未免有情亦復誰能遣此

人是蠢然無知者方有偏分且極受用一若有情便生出許多感慨予每嘆曰既是吾生薄命何爲生我多情

趙松雪學士戲作小詞贈管夫人云我儂兩個忒煞情多譬如將一塊泥捏一個條塑一個我忽然間歡喜呵將他來一齊都打破重新下水再圓再鍊再調和重塑一個你再捏一個我那其間那其間我的身子裏有了你你的身子裏有了我

桓溫尙晉公主溫西征李勢破之取其妹爲妾因懼主置之外宅主竊知之自率宮婢而往女方梳粧未竟散髮而前云國破家亡不勝含羞以至今日若能見殺雖死之日猶生之年主擲刀於地前抱其頸曰吾見猶憐何況老奴遂載與俱歸

鄭清泉臨卒時語同輩曰必葬我於陶家之側庶幾百年後化而爲土幸見取爲酒壺實獲我心矣

石崇富甲天下見綠珠之美卽以明珠十斛買之後以佐客趙王倫見而悅之使人諷崇索之許倫怒乃謀殺崇欲圖珠珠聞崇變卽墮樓而死

語云富者衆之怨也色者姦之媒也季倫旣以富封怨又復

以色致姦易日侵蕪諱姦治容諱淫崇兼坐其病安得不敗
且死

陳太子舍人徐德言尙樂昌公主陳政衰謂主曰國破伊必入
權門倘情緣未斷尙冀相見乃以祖傳鴛鴦鏡剖之各懷其半
約他日正月望日賣於都市及陳亡主果爲越公楊素所得德
言乃寄詩云鏡與人俱去鏡歸人未歸無復姮娥影空留明月
輝主得詩悲泣不已越公聞之愴然乃召徐還其妻
難得舍人有信又難得公主多情更難得越公慷慨好義分
而復合洵稱佳事

薛道衡開元宮中第一筆手清明日上令宮妓踏青崔懷寶偶

見而悅之。因樂供奉。楊羔潛通消息。羔令崔作小詞。方得見薛。崔吟曰。今生無所願。願作樂中箏。得近佳人纖手內。研羅裙上放嬌聲。便死也爲榮。因各賜羔肌酒一杯。崔後調補荆南司錄叅軍。薛因理箏爲監軍。所取赴闕。明皇因見前詩。特賜薛爲崔生妻。

王長史一日登茅山。忽大慟哭。曰。瑯琊王伯與終當爲情死。

遣愁集卷十二

○○一集巧遇

緣不可分合不可離前定在天人所不知無待強求無客預計邂逅相逢猝然而至集巧遇

王積薪夢龍吐棋經授之其義精妙遂爲國手一夜宿村店聞間壁棋聲錚錚及明往視僅見二翁對坐了無局在問之曰手談也

汝南桓景路遇費長房謂曰九月九日汝家有災急令家人作紫囊盛茱萸繫臂登高山飲菊花酒竟日此禍可消景如其言至夕歸見家中鷄犬多暴死房曰代矣

張君壽浪遊江湖間八月十五夜皎月澄空水天一色忽見上
流一舟如雀獨一老翁盪槳而歌曰郎提客翹截江圍妾把長
竿守釣磯滿載魴魚都換酒輕煙細雨又空歸君壽異之刺舟
與語又歌云蓼香月白醒時稀潮去潮來自不知除卻醉眠無
一事東西南北任風吹歌罷飄然而去

有李生者其舅姓盧有道術邀詣其居曰求得一妓兼善筵篴
令侍飲筵篴上有朱字曰雲中下江樹天際識孤舟後娶陸長
源女乃所見于盧家者果善筵篴朱字宛然生具說前事女曰
往常曾夢爲仙官所攝

漢司馬相如至臨邛見富人卓主係有女文君新寡好音律

卿素與臨卽令王吉善時王孫門下家僮八百人相謂曰聞介
有貴客易爲具召之并招令長卿酒酣令曰聞公善琴請撫一
曲以爲娛因見文君從僕自廄達以琴心挑之乃歌云鳳兮鳳
兮歸故鄉遊遊四海求其凰時未遇凰將何悟今夕登斯
堂有艷淑女在此方室邇人遐我獨傷何緣交頸爲鴛鴦長卿
從騎雍容閒雅甚都文君竊慕心悅焉旣罷復令人重賂文君
侍者以達慙慙夜乃奔長卿共歸成都

唐時錢起夜宿驛舍聞窓外有誦聲云曲終人不見江上數峰
青起怪而識之至天寶十載應舉座主李暉試士以湘靈鼓瑟
詩題起賦曰善鼓雲和瑟常聞帝子靈馮夷徒自舞楚客不堪

聽雅調。淒金石清音。發杳冥。蒼梧來暮。怨白芷動芳聲。流水傳
湘曲。悲風過洞庭。至落句意久不屬。因思及前聯。遂續足之。主
師見其末句。風致不凡。謂無人間煙火氣。大加稱賞。竟中魁選。
晉王敬伯。會稽人。少好學。善鼓琴。年十八。仕於東宮。爲衛佐。休
暇還鄉。過吳。維舟中渚。登亭望月。悵然有懷。乃倚琴歌。泣露之
詩。俄聞戶外有嗟嘆聲。急啟視。見一女子。甚有容色。謂敬伯曰。
女郎悅君琴韻。願共撫之。繼而女郎至。姿質婉麗。綽有餘妍。從
二少女。乃撫琴揮絃。調韻哀雅。復命大婢酌酒。小婢彈箏。溪作
宛轉歌。女郎脫頭上金釵。扣琴絃而和之。歌曰。月旣明。西軒琴
復請。心。上酒爭芳。夜千秋萬歲。同一情。歌宛轉。宛轉淒以哀。

願爲星與漢光景共徘徊其二日悲且傷衆差淚成行低紅掩
翠方無色金徽玉軫爲誰辭歌宛轉宛轉情復悲願爲煙與霧
氤氲對容姿歌畢將去留劍臥具數物以遺敬伯敬伯報以牙
火籠玉琴軫至虎牢吳令劉惠明有愛女早世舟中亡卻臥具
於敬伯船內物色而獲敬伯具以實告劉猶未信檢視帳中果
得火籠琴軫女郎名妙容字麗華與二婢俱善琴瑟相繼卒
寇萊公準少時過大梁宿於舍夢至一處翠峰流水有女童引
至磐石與兩人對坐共食梅桃女童曰人有分趨左右公執其
手卽覺自汴回梁再宿邸館有老姥曰孫女梅桃特令出拜公
悟售爲妾言多補益

郗太傅在京口遣門生赴王丞相求其子爲婿王令自往東廂
任意選擇歸曰諸郎並佳但聞客來覓婿咸自矜持惟有一
郎在東牀上坦腹而臥了如不聞郗云正此好訪之乃逸少之
字因以女嫁焉

謝安偶出西郊遊戲失車牛便杖策徒步而歸道逢劉尹語之
曰安石將無傷乃與同載而回

晉王子猷出都舟泊渚下素聞桓伊善吹笛而不相識是日遇
桓於岸上過客有識之者曰是卽桓子野王急令人相語云聞
君笛最高妙可試爲我一奏桓時已貴顯然何知王名卽便欣
然下車踞胡牀爲作三調弄畢上車而去主客不交一言

褚太傅初渡江嘗入東至蘇州金閶亭適吳中豪右燕集於此褚雖夙有重名造次不相識別敕左右多與茗汁少著粽粒汁盡輒益終不得食褚公默然飲訖徐舉手向衆云還認得褚季野否於是四座驚駭狼狽而散

王子猷嘗過吳見一士夫家有好竹王已知其當往乃酒掃施設在廳相待王肩輿徑造竹下諷咏良久王已失望猶冀還當通問不意竟欲出門王大不堪便令左右閉戶不聽出王更以此賞之始爲留坐盡歡而別

霍去病光之弟也父仲孺爲平陽縣吏給事平陽侯曹壽家與侍兒衛少兒通青之從姊青之嫡姊卽衛紫姬漢武帝寵幸召入宮爲夫人後爲后事畢歸娶生

光絕不相聞問。竟不知少兒已生。去病後去病爲驃驍將軍。與衛青同官。竝擊匈奴。至平陽傳舍。遣使迎仲孺與母相會。跪而告曰。去病不蚤知爲大人遺體。有缺。奉侍罪莫大焉。爲置買田宅奴婢而歸。

唐賈島於京師騎驃街行。偶得句云。鳥宿池邊樹。僧敲月下門。始欲用推字。又欲用敲字。擬議未定。遂於驛上作推敲之勢。時昌黎韓愈權知京兆。尹島不覺出神。直衝至第三節左右。擁至島具道所以。愈曰。敲字更佳。卽與並轡而歸。爲布衣交。

昔一人以祖遺十八學士圖獻之豪士。甚愛重之。許以百金爲賞。止得十七人。還之。其人抱歸泣於途。遇白玉塘叩。

以故乃爲題筆於上云臺閣崢嶸倚碧空登瀛學士久遺踪
青想出忠良手黜卻當年許敬宗其人許去仍舊百金

宋趙與莒燕懿王德昭之後希直之子也家於紹興山陰縣母
全氏初慶元人余天錫爲史補遺府童子師性恭愿史深器重
之以寧宗無嗣欲借沂王置後爲名陰擇宗室中可立者以備
皇子之選會天錫告還鄉秋試乃密語之曰今沂王無後宗子
有賢者幸具以來天錫渡浙值天雨過全保長家齋避全知其
丞相館客具鷄黍甚肅須臾有二子侍立異而問之答曰此吾
外甥趙與莒與莒也日者相士嘗言二兒後當極貴天錫因錄
彌遠之言及還臨安以告遂召見史善風鑑大奇之留爲秉義

郎後竟以繼統。

高唐賦。楚襄王與宋玉遊巫山。雲夢之臺。高唐之觀。怠而晝寢。見一美人曰。閨王遊此。願薦枕席。因幸之。將去。曰。妾乃巫山之神女也。名曰宓妃。常在巫山之陽。高丘之北。朝爲行云。暮爲行雨。朝朝暮暮。陽臺之下。

隋開皇中。趙師雄遊羅浮。天寒日暮。於松林酒肆。傍見一美人。澹粧倩服。時月色微明。師雄與語。言極清麗。芳香襲人。遂邀至酒家共飲。忽一綠衣童子笑歌戲舞而前。既醉就寢。但覺寒氣逼人。因起視身。在梅花樹下。翠羽嘈雜。月落參橫。美人童子。罔知所在。晨不能已。

唐馬周入蜀貧極無聊舍於新豐逆旅乃命置酒一斗八升修然獨酌衆始驚異將軍常何見之乃延之爲客後詔求直言因爲常具草陳奏便宜二十餘條悉用雖得旨上問常武人何以能此常以家客馬周爲臣具稿對特拜監察御史

蕭史秦人善吹簫穆公有女名弄玉好之遂妻焉日教玉吹簫作鳳鳴卽有鳳至乃作鳳凰臺以居之一夕互爲吹簫雙鳳忽集遂乘之而去

南岳鄭先生隱衡山有神仙魏夫人乘雲而至從少姬三十輩年皆十六七謂曰君有僊分所以來尋後見青鳥一隻如鶴大鼓翼飛鳴乃謂弟子曰求之甚勞得之甚逸青鳥旣來會期至

矣遂跨之去。

洛中舉子與妓茂英善。時年甚少。後十載。英尚未嫁。復於江外遇之。因贈詩云。憶昔當初遇酒樓。茂英年小尚嬌羞。隔窓未肯聞高語。對鏡曾窺學士頭。一別中原俱老大。重來南國見風流。彈絃酌酒談前事。零落碧雲生暮愁。舉子因謁節使。留連數月。宴飲既頻。復與一酒料。頗洽。一日告辭。帥厚贐之。復開筵送別。因留絕句與料云。少插花枝少下簪。須防女伴妬風流。座中若打占。相令除卻。尙書莫點頭。因設舞曲。遺書帥府。帥取覽之。卽令人送贈。

陽公素自好置義漿。施給行人三年。有一人就飲。日何不種菜。

答云無種。其人出子一升。曰種此生美玉。且得佳偶。公種之於藍田。數歲得璧玉百枚。後聞北平徐氏有女甚美。公使人求之。徐氏曰須得白璧一雙爲聘。當與成婚。還報公乃以白璧五雙送之。徐氏愕然大驚。遂以女妻焉。

明楊文貞公在內閣時。夫人已去世。惟一婢侍巾櫛。一日宮中有喜慶。大臣命嬪皆入朝賀。后聞公無嬪。命召其婢至。見其貌既不揚。衣復儉陋。命妃嬪重爲梳整。易內製首飾衣服而遣之。且笑曰。此何楊先生。恐不能認矣。明日命所司如制封之。不限常例。其眷遇之隆。古今無比。生男導字簡叔。能詩文。善談論。以尚寶卿陞南京太常。復與榮封。

遺愁集卷十三

成都余 齋生生

鑒定

松陵顧有孝茂倫

古吳張貴勝晉侯纂輯

陸 契聖求

周 珍美斯

吳 雋天蜚

錢敬中天倪

友人

沈時棟成廈

許堯勳文安

訂正

趙紹嘉舒文

吳世芳聖蘭

〇〇〇一集風流

國色超羣天姿絕世風流所宗
嘉藉所繫繡帳斜眠雕欄獨

倚對之魂銷遇之心醉集風流

唐天寶中李太白供奉翰林時禁中初重木芍藥植興慶池東沉香亭畔會花開明王乘嬪夜直太真妃以步輦從選梨園子弟得樂十六色伶官李龜年手捧檀板押衆樂前上曰賞名花對妃子焉用舊詞命龜年持金花箋宣賜李白令作新詞上獻白立進清平詞三章云雲想衣裳花想容春風拂檻露華濃若非羣玉山頭見會向瑤臺月下逢一枝濃露凝香雲雨巫山狂斷腸借問漢宮誰得似可憐飛燕倚新粧名花傾國兩相歡常得君王帶笑看解識春風無限恨沉香亭北倚欄杆上命龜年歌之太真妃持玻璃七寶杯酌以西涼葡萄酒笑領歌意

上親調玉笛以和之。每曲將換則遲其聲以媚之。賜白快飲。醉撤殿前金蓮燭。遣內侍送歸私第。自是顧白特異。

首句便着二想字。妙不可言。蓋喻其難以形容也。而花與妃步步相關切。極揄揚中。却微含譏刺。豈非天才。豈非仙品。

李白自進清平調。明皇與太真大加稱賞。因此出入宮闈。寵眷無比。一日命宣赴闕。適自醉倒樊樓。急搖之醒。乃朗吟曰。我醉欲眠君且去。使不得已。爾奏上。即勅內侍扶挾走馬上殿。

明皇臨沉香亭。召楊妃。妃被酒新起。命高力士從侍兒扶挾而至。輕盈丰韵。嫋娜不勝。翩跹飛舞。宛如玉樹臨風。上斜睨睨之。笑曰。此真海棠睡未足耳。

明松陵葉氏仲韶有三女。幼名小鸞。才色雙絕。詩文並美。晨起未及梳粧。往候其母。母尚未起。揭帳問安。因見其貌美甚。乃笑語之曰。我見猶憐。未識畫眉。人道爾何如也。

宋武帝女壽陽公主。人日曉起。臥於含章殿檐下。適有梅花一片。飛落主額。成五出之花。拂之不去。後人爭效之。爲梅花粧。楊貴妃與祿山嬉遊。祿山醉戲。引手抓傷妃子胸乳間。妃慮上見痕。乃以金爲訶子。遮飾之。官中悞爲美觀。皆相效焉。

李翔爲尚書。江淮進士盧儲投卷來謁。李方展卷披閱。因赴公宇視事。長女將及笄。見文。尋繹數四。擊節嘆賞。曰。此人將來必作狀元。李聞之。遂定爲婚。明年果及第。纔過殿試。徑赴任期。因

唐詩云昔年將去玉京遊第一仙娥許狀頭今日已成仙
晉好蚤教鸞鳳下瓊樓

吳孫和悅鄧夫人常抱置膝上偶弄水晶如意誤傷夫人顏面
浹袴醫者曰得白獺髓裸玉屑與琥珀拭之當滅痕及瘡
赤點更益其妍諸婢見之悉以丹脂點額以要寵

吳七郡王有二愛姬一名梅嬌一名杏倩丰姿並俊尤善詩詞
王盛暑臥於涼亭吟云涼亭九曲闌千遠四面柳荷香來好身
眠八尺白蝦蟇頭枕一枚紅瑪瑙毒龍畏熱不敢行海波煎碎
蓬萊島命二姬各續一句以足其韻梅云公子猶嫌扇力微杏
云遊人尙在紅塵道王大賞之續已二人各矜所長梅作一詞

誇已嘲杏云。一種陽和玉英初綻。雪天分外精神。冰肌玉骨。別是一家春。樓上笛聲三弄。百花都未知音。明窓昨臨風對月。曾結歲寒盟。笑杏花何太晚。遲疑不發。等待春深。只宜遠望。舉目似燒林。麗質芳姿雖好。一時取媚東君。爭如我青青結子金罍。內調羹。杏答云。景傍清明日和風煖。數株濃淡胭脂。春來蚤起。惟我獨芳菲。幾番雨過。似佳人細膩香肌。堪賞處。玉樓人醉斜插滿頭歸。笑梅花何太蚤。消疎骨肉。葉密花稀。不逢如景。開後甚孤。怕百花笑你。甘心受雪壓霜欺。爭如我年年得意。佔斷韶春時。王固之益加稱美。爲作梅杏詞以和解之。

晉何平叔夢美妾字面至白。頭明帝疑其傅粉。正其月與燕陽。

餅既飲，嗽汗大出，以朱衣自拭，轉覺顏色時然，光彩愈麗。
驃騎王武子衛玠之舅也，儻爽有風姿，人咸羨其美。見玠，歎
曰：「珠玉在側，朗然照人，如明月入懷，覩之自覺形穢。」
長史王洽爲中書郎，往尙書許敬和所，爾時積雪未消，王從門
外下車，步入省垣，著公服，敬和遙望，嘆曰：「此不復似塵世中人。」
桓大司馬稱謝仁祖云：「諸君莫輕覩仁祖，企脚北窓下，彈指間，
故自有天際真人想。」

唐太宗作文學館，以房玄齡、杜如晦等十八人充之。每咨以詩
書政事，號爲十八學士。又命圖立本圖像於館，以彰禮賢之典。
與其選者，時人謂登瀛州。

天寶遺事都下有名妓楚連香者國色無雙丰姿絕世偶一行
香風襲人每出則蜂蝶結隊相隨蓋慕其香也

溫嶠喪婦從姑劉氏有女甚姿慧屬之覓婚嶠有自娶意答云
佳婿難得倘如嶠比若何姑云喪敗之餘乞粗存活便足慰殘
年何敢希汝比郤後少日報姑已覓得婚處門第頗可婿身名
宦盡不減於嶠因下玉鏡臺爲聘姑大喜既婚交禮畢女以手
披紗扇擊嶠首低聲含笑曰我固疑是老奴今却果如所卜
唐白樂天有妻一名樊素口如含桃一名小蠻腰如細柳嘗有
詩云櫻桃樊素口楊柳小蠻腰

漢成帝后趙飛燕身最輕逸令力士托之掌中能爲舞因作燕

淵○皇○惻○與○后○登○之○歌○歸○風○送○遠○之○曲○以○文○犀○筋○擊○玉○醴○酒○醑○
○見○其○○懷○○約○之○○態○臨○風○揚○袖○曰○仙○乎○仙○乎○若○欲○飛○去○者○然○上○令○持○其○裙○風○止○裙○爲○
之○縐○因○號○爲○留○仙○裝○

武○林○名○外○小○青○禮○大○士○詩○云○借○首○慈○雲○大○士○前○莫○生○西○土○莫○生○
○真○正○情○種○天○願○爲○一○滴○楊○枝○水○灑○作○人○間○並○蒂○蓮○臨○水○語○影○云○新○粧○竟○

畫○圖○爭○知○在○昭○陽○第○幾○名○瘦○影○自○憐○春○水○照○卿○須○憐○我○我○憐○
○我○○外○○秋○○○○何○

看○牡○丹○亭○記○云○冷○雨○幽○窓○不○可○聽○挑○燈○閒○看○牡○丹○亭○人○間○亦○有○
○○

疑○於○我○不○獨○傷○心○是○小○青○踏○青○云○西○陵○芳○草○騎○麟○麟○內○信○傳○來○
○卿○○卿○土○伯○與○終○○爲○情○死○

與○踏○青○杯○酒○自○澆○蘇○小○墓○可○知○妾○是○意○中○人○看○梅○云○春○衫○血○淚○
○○

點○輕○紗○吹○入○林○逋○處○士○家○嶺○上○梅○花○三○百○樹○一○時○應○變○杜○鵑○花○
○○

小青才色絕世所適非人悵鬱而死吟咏盈箱惜俱爲妒婦
所焚此特其翠匣餘幅耳時並憐之周君建爲作懺詩云雲
在天涯水在瓶梨花肌瘦對離亭昭君遠嫁文君老枉死
人九等怨聞一小青○休將薄命與天爭絕代風流絕代名修得來生
配才子鴛鴦枕上喚卿卿

隋煬帝尚奢華堂殿樓觀窮極侈麗後宮美女動以數千鳳
凰脚女吳絳仙善画長蛾帝特憐之由是爭爲長蛾行宮官吏
日進供螺子黛五斛號爲蛾綠帝每倚簾熟視移時不去復以
合歡水菓賜絳仙絳仙以紅綃箋上詩稱謝帝喜謂侍從曰絳
仙非惟姿容秀美觀其才調與女相如也又爲建懺樓上設

四寶帳一名散春愁一名醉忘歸一名夜合花一名延秋月常與嬪娥及絳仙輩寢處其間

薛瑤英號香兒自幼以香屑襍飲飼以唱之及長肌膚香艷姿色妙絕元載得之寵愛特甚爲之建芸香堂金絲帳却塵褥衣龍綃一襲舉之無二三兩搏之不盈一握蓋其體輕而不勝也肅煬帝所寵幸袁寶兒駉治多態時洛陽進合歡帶迎筆花帝令持之號司女花一日謂虞世基曰寶兒雅多態態卿試嘲之因爲詩云學書兒半未成垂肩舞袖太憨生綠愁却得君王寵常把花枝傍舞行

王仁裕集開元天寶遺事有云沉香亭前有木芍藥卽今牡丹

花一枝兩頭新則深紅午則深碧暮則深黃夜則粉白晝夜之內香艷各異帝曰此花木之妖不足訝也取其解意多態時與貴妃倚闌共賞之

郭順卿姿態閑雅雜劇最高劉時中嘗以黃金玉管鳳鳴鸞吟擬其聲韻平生與王元鼎相密偶疾思食馬板腸王卽殺所騎駿馬以啗之泰政阿魯溫屬意之一日戲曰我何如元鼎答曰泰政宰臣也元鼎文士也經綸朝政致君澤民則元鼎不及泰政嘲風弄月惜玉憐香則泰政何敢望元鼎魯溫聞言一笑而罷

陳全游金陵名妓也高於詞章多有韻味盡皆俏語題鞋詩

云新紅睡鞋三寸正不着地偏乾淨燈前讀晚詩被底勾春興
醉人兒幾回輕薄醒一日與鄰妓何瓊仙同飲是離離難相交
請咏之應聲云女靈禽非走獸風流事誰不有只得賠地偷情
那許當場弄醜若是依律問罪應談笞杖徒流更加一等強論
殺來與我下酒咏新浴云華清宴罷新浴起帶濕裙拖地單嫌
月色明偷向花陰立俏東風俏東風有心兒輕揭啓又見一妓
就地小遺咏綠楊深鎖誰家院佳人急走行方便揭起綺羅
裙露出花心兒衝破碧苔痕滿地真珠灑那小娘兒不怕牆兒
外馬兒上人兒見後爲士夫所娶生三子皆貴顯

韓壽美姿容賈充辟爲楮郎聚會允女於青瑣中見而悅之托

婢達意壽心動潛修音問及期往宿踰垣而入家人莫知
問壽身有奇香乃西域月氏國王遣使獻魏武僅得四兩大如
雀卵黑如桑椹燒之一着人衣芳氣三月不散充謂帝唯賜已
及陳騫餘無此者因疑女與壽通乃取婢女考問具以實告
雖知而不言遂以女妻之

追愬集卷十三

○○○集鬚眉婦

雖具鬚眉身列衣冠優柔不剛
易無權家奴被制狎小爲
歡廟堂削色閨閣同看集鬚眉婦

漢成帝委政王鳳權悉歸之劉向上封事極言王氏與劉氏勢
不兩立陛下縱不爲身計奈宗廟社稷乎書奏上但嘆息悲
深嘉其忠義終不能自振

蔡伯喈亡命江湖積十二年董卓聞其名而辟之稱疾不至

錄後山先生集卷十三

卓怒詈曰我能族人豈懼卽應命而出甚見愛重三日內周歷
三臺

唐山人李唐見肅宗上方抱幼女於膝唐日上皇思見陛下亦如陛下之念公主也上聞之泣然泣下然終畏張后不敢詣西

唐代宗在東宮時以李輔國專權心甚不平及嗣位以其有殺張后功不欲顯誅之夜遣盜入其第竊其首及一臂而去

輔國弄權法應受誅朝廷作事何不明目張膽聲罪致討而乃掩耳盜鈴以賊殺之乎何以示武於天下也

唐文宗自甘露之變忽忽不樂謂李石曰朕與卿輩論天下事有勢未得行者退而無聊但飲醇酒求醉而已一日問學士周鼎曰朕何如周報漢獻皇帝曰陛下之主豈可比聖德上曰

二王受制於強諸侯。朕却受制於家奴。以光言之。殆不如也。因泣下沾襟。自是得疾。不復能視朝。

宋光宗欲謀誅宦官。近習懼。離間兩宮。帝疑之。不能自解。會壽皇妃以黃貴妃有寵。圖殺之。以暴疾聞。翌日合祭天地。風雨大作。黃壇燈燭盡滅。不能成禮。而罷。震懼增疾。遂不視朝。及趙汝愚入對。往復規諫。兩宮之情始通。乃朝於重華宮。竟日而還。

萬曆戊戌。科進士王紹徽。陝西咸寧人。爲魏忠賢乾兒。官至吏部尚書。進退一人。必稟命於忠賢。時稱王媳婦。嘗造點將錄。傾害東林諸君子。忠賢閱其書。嘆曰。王尚書。斌媚如閹人。今筆挾風霜。乃爾真吾家之珍也。愈親愛之。其稱東林開山元帥。托塔

天王南戶部尚書李三才總兵都頭領天魁星呼保義大學士
蔡向高天罡星王麒麟吏部尚書趙南星掌管機密軍師天機
星智多星右諭德穆昌期天閻星人雲龍左都御史高攀龍協
同叅贊軍務頭領地魁星神機軍師禮部員外領大章掌管錢
糧頭領天富星撲天鵬禮部主事賀煥地狗星金毛犬尚寶司
少卿黃正賓正先鋒天殺星黑旋風吏科都給事中魏大中左
右先鋒地飛星八臂哪吒吏部郎中鄒維璉地走星飛天大聖
浙江道御史房可壯五虎將天勇星大刀手左副都御史楊漣
天雄星豹子頭左僉都御史左光斗天猛星霹靂火大理寺少
卿惠世揚天威星雙鞭手浙江道御史袁化中天立星雙鎗將

太○寺○少○卿○周○朝○瑞○又○有○馬○軍○八○驍○騎○大○將○八○員○走○探○聲○息○走○
報○機○密○頭○領○二○員○行○文○走○檄○調○兵○遣○將○頭○領○一○員○掌○管○行○刑○
子○手○頭○領○二○員○巡○視○城○垣○頭○領○一○員○定○功○賞○罰○軍○政○司○頭○領○二○
員○考○算○錢○糧○支○出○納○入○頭○領○一○員○分○守○南○京○汛○地○水○軍○頭○領○八○
員○守○護○中○軍○頭○領○十○二○員○四○方○打○聽○邀○接○來○賓○頭○領○八○員○專○守○
帥○字○旗○頭○領○一○員○馬○軍○頭○領○二○十○員○步○軍○頭○領○二○十○七○員○
色○所○列○如○李○應○昇○蔣○允○儀○解○學○龍○吳○爾○成○孫○慎○行○陳○于○廷○錢○謙○
益○文○震○孟○方○震○孺○徐○憲○卿○鄭○三○俊○毛○士○龍○夏○嘉○遇○周○順○昌○何○士○
晉○趙○時○用○等○人○皆○南○直○人○也○一○時○更○有○東○林○朋○黨○錄○東○林○同○志○
錄○東○林○籍○貫○羣○小○同○心○排○擠○正○士○不○遺○餘○力○

兒○始○蔽○天○不○知○適○成○其○婢○妾○之○賤○耳○身○名○俱○喪○可○不○懼○哉○雖○帶○鬚○眉○目○之○爲○婦○誰○曰○不○宜○

魏忠賢盜柄揚州知府劉鐸感憤作詩詩有陰靈國是非之句
倡書於扇頭爲選者所告逮送刑部大司寇薛貞萬曆辛丑科
進士陝西韓城人忠賢乾兒也詰鐸曰朝廷信任魏上公便如
○新○化○其○
日○月○中○天○謂○收○毀○謫○如○是○豈○非○有○旨○無○殊○有○胸○無○心○者○耶○鐸○曰○
固○也○鐸○目○無○法○臺○之○珠○胸○無○法○臺○之○心○故○不○能○開○法○臺○之○口○罪○
將○奚○逃○貞○大○怒○笞○之○二十○擬○鐸○大○辟○或○謂○貞○曰○鐸○妄○人○耳○罪○之○
以○辟○得○非○殺○人○媚○人○爲○鬚○眉○丈○夫○所○笑○乎○貞○答○曰○世○之○所○謂○賢○
眉○固○仕○路○之○鬼○門○關○也○苟○得○上○公○歡○心○笑○亦○何○損○巾○幘○豈○致○令○

之要術也。名與利孰重。子亦拙於算矣。後忠賢敗。貞亦半仕。

蘇州推官周之

張溥不相能。已而巡按劾之。變之變疑其受

意於二張也。因書誣告溥等。交結諸郡生徒。共爲部黨。名曰

復社。而太倉人陸文聲欲附復社。不得而怒。亦走京師。言東

南大害。必始復社。二張與錢謙益相厚。時相遂以復社嗣於

東林。爲天子言之。天子震怒。下郡國按其事。兵使者馮元凱

力爭之。其事始解。時相執政八年。以禁錮東林爲事。而宜

興復。相思援手。逆案阮大鍼爲宣城沈壽民保舉入京。勅楊

武陵并及大鍼。大鍼始阻喪。宜興陳貞憲與貴池吳應箕因

草留都防亂揭。無錫顧杲爲首。一時勝流咸列姓名。大鍼杜

門昨舌欲死。崇禎己卯金陵解試。貞慧應箕舉國門廣業之
社大畧捐中人也。酒酣耳熱。多咀嚼大鍼。以爲笑樂。馬士英
定策大鍼暴起。遂廣揭中姓名。以造蝗蝻錄。思一網殺之。周
儀部鑣下獄死。沈壽民吳應箕與蕪湖沈士柱皆亡命。餘姚
黃宗義與顧杲從徐署丞疏逃。問而貞慧亦爲校尉縛至鎮。
撫事雖解已瀕死。十七八矣。弘治南渡止。結得留都防亂揭。
一案也。

遺愁集卷十三

○○一集中惻雄

夫人名城娘子稱軍熊九截髮投堂撫膺不甘雌伏竄具雄心男兒却步豈日細君集中惻雄

沛人王陵以兵屬漢項羽乃取陵母置軍中以召陵母送使者泣曰爲妾語陵善事漢王漢王長者毋以妾故持二心遂伏劍死

周宣王嘗晏起姜后脫簪耳待罪於永巷曰王好色而亡德之興自婢子始請伏諫王悟勤於政事卒成中興之主
曹操既立不爲庶子因抱辛毗頸曰辛君知我喜否毗以告母

意英英曰魏其不昌乎太子代君主宗廟社稷者也代君宜戚主國宜懼而反以爲喜其何以久

景伯爲貝丘令母崔氏賢而明議有民婦列其子不孝伯自其母曰民未知禮義何足深責乃召其母與之對榻共坐使其子侍立堂下觀景伯供食未旬日悔過求還母曰此雖面慙其心未也且置之凡二十餘天其子叩頭流血母亦泣涕請歸然後聽之去後母子卒以慈孝聞

周主禪位於隋楊堅稱帝竇毅之女聞之自投堂下撫膺太息曰恨我不爲男子救舅氏之難毅及襄陽公主亟掩其目曰汝勿妄言致滅我族由是奇之及長以適唐公李淵

唐太宗罷朝怒言曰會須殺此田舍翁后問爲誰上曰魏徵每
廷辱我后退急具朝服立於庭上驚問對曰妾聞主明臣直今
魏徵直由陛下之明故也敢不敬賀上悅

唐徐惠妃以太宗東征高麗及繕翠微玉華等宮上疏諫其畧
曰以有盡之農功填無窮之巨壑圖未獲之他衆喪已成之我
軍又曰珍玩技巧乃喪國之斧斤珠玉錦繡實迷心之鴆毒上
善其言

朱泚將李日月戰死歸其屍其母不哭曰奚奴國家何負而反
死已晚矣唐德宗聞而賢之及泚敗獨日月之母不坐
吳元濟以董昌齡爲郾城令而督其母母謂曰願死賢於逆生

汝去逆而我死○乃孝子也○從逆而我生○是戮我也○昌齡遂舉城
降唐○

浙江觀察使李景讓母鄭氏○早寡家貧子幼○每自教之○宅後墻
陷○得錢盈船○母祝之日○但願諸孤學問有成○此財非力○擇義不
敢取○命掩而築之○

趙匡胤母杜氏○聞陳橋之變○嘆曰○吾兒素有大志○今果然矣○及
尊爲太后○太祖拜於殿上○羣臣稱賀○母愀然不樂○左右曰○臣聞
母以子貴○何爲不樂○后曰○吾聞爲君難○天子置身兆民之上○得
道○則此位可久○否則求爲匹夫○不可得○太祖曰○謹受教○
蜀主孟昶降宋○至汴卒○母李氏聞之不哭○舉酒酹地曰○汝不死

社稷貪生以至今日吾所以忍死者以汝在爾今汝既死我何生爲遂不食數日而沒

同一死耳死於汴何不死於蜀乎母之不哭良是良是然有子如此不肖可知忍死以待夫復何爲予謂母之死亦應死於蜀亡之日然以閨閣而能明曉大義國亡子喪遽爾殉節亦甚難得勿吹毛尋疵也

召尹尊至京賜號和靖處士遣還紹聖初焯應舉發策語不善不對而出歸以告母母曰吾知汝以善養不以祿養程頤聞之曰賢哉母也遂終身不就舉

秦發卒戍邊有女子木蘭憫父年老代之行在邊十二年始得

歸同戍之人竟無有知其爲女者

明應天淮清橋女黃善聰年十二失母有姊已適人獨父業販線香憐其孤幼無倚令爲男裝携之旅遊七年父亦死善聰卽諱名曰張勝仍襲其業自活同輩有李英者亦販香自金陵來不知其爲女也約爲伙伴同寢食者踰年恒稱有疾不解衣襪夜乃浣濯弘治辛亥正月僧英返南京已年二十矣乃巾帽往見其姊姊言我無幼弟安得來此善聰笑曰弟卽善聰也泣語其故姊大怒詈之曰男女亂羣玷辱殊甚汝雖自明誰則信之因拒不納善聰不勝憤懣哭且誓曰妹此身苟污有死而已然須明白以表寸心其鄰有穩婆居姊密呼驗之實果處子始寔

服相持慟哭卽爲改裝越數日英來候再約同往出見忽爲女
子矣大驚駭問始知其故快快而歸殊有所失深恨往事之愚
乃告其母母亦嗟嘆時英未室賢之卽爲求婚善聰不從曰妾
竟歸英保無人疑乎有親鄰來勸則泣泗橫流所執益堅衆口
喧傳稱爲新聞奇事適有縣衙聞之乃助其聘禮送縣判爲夫
婦復爲之上聞以旌其貞

善聰貞烈固是女中丈夫其姊初不肯認直至驗明始信尤
是矜行尚節立品女子不是和光同塵一輩

洪武時太祖嘗怒宋濂使人卽其家誅之馬太后聞之是日乃
茹素上問何故后曰聞今日誅宋先生先生賢者妾不能救實

爲罪人。聊用持齋以資冥福。上悟。卽馳驛赦之。

庾友婦桓宣武弟霽女也。溫旣誅庾希將及友。桓女徒號求進。聞禁不納。女厲聲叱曰。是何小人。我伯父門。爾敢阻抑不聽我。前因排闥突入。號泣請曰。庾王臺脚短三寸。行常因人。復能作賊否。溫笑曰。胥故自急耳。無傷也。遂原其一門。

朱序鎮襄陽。苻堅遣將苻丕率衆圍之。序母韓氏親登城審視。謂西北角當先受敵。乃率百餘婢并城中婦女。預斜築城二十餘丈。後賊攻城西北。果潰。乃憑新城固守。得完。襄陽人號爲夫人城。

唐平陽昭公主。大穆皇后所生下。嫁柴紹。初高帝兵興。主居長

安紹曰尊公將以兵清京邑。欲我往。恐不能。惜奈何。主曰。公第
行。我自爲計。母以妾爲慮。紹乃詭遁走并州。主奔鄆。發家貲。招
南山亡命數百人。以應帝。復遣家奴馬三寶。諭降名賊何潘仁。
因畧地至盤屋。武功紀律嚴明。遠近咸附。勒兵七萬。威震關中。
帝渡河。紹以數百騎從南山來。主引精兵與秦王世民會於渭
北。紹及主對置幕府。京師人稱爲娘子軍。

寧化晏氏。嫁福之曾。姓夫死。守幼子。不嫁。宋紹定間。寇大作。晏
依山爲砦。召田丁。請曰。汝曹衣食我家。可念。主母各當用命。不
勝。卽殺我。因解藏。棄悉散與之人。皆感奮。晏自撻鼓。令諸婢鳴
金賊乃退散。鄉人挈家歸砦者甚衆。晏復以家糧助。不給者。拓

若爲伍互相應援賊弗敢攻全活老幼以數萬計事聞詔封恭人特賜冠帔復補其子爲承信郎

晏氏作用真不失爲女丈夫哉若賊至不能守家財總爲賊有何如捨之以結衆且以全活多人乎君子見其大者遠者不意婦人而能之然其資糧足以副之其才智足以勝之耳否亦不能如是

大曆中楊子琳襲成都崔寧職屈寧妻任氏乃出家財十萬募勇敢士信宿間得千餘人設隊伍立將校手自麾兵直逼子琳子琳潰拔城去

荀崧守襄城爲杜曾所圍力弱食盡欲求救於故吏平南將軍

不○覽○計○無○從○出○有○少○女○灌○年○甫○十○三○乃○率○勇○敢○士○數○十○人○突○圍○
夜○出○賊○追○甚○急○灌○且○戰○且○走○卒○獲○免○因○詣○覽○乞○師○又○爲○松○書○與○
荆○南○中○郎○將○周○訪○請○兵○賊○聞○救○至○遂○散○走○

漢○天○子○讀○史○嘗○拊○髀○嘆○曰○吾○獨○不○得○康○頤○李○牧○爲○將○豈○憂○所○
奴○哉○雖○然○何○必○顧○牧○誠○得○李○侃○婦○晏○茶○人○以○致○守○紹○續○女○皇○
寧○妾○以○督○戰○劉○太○妃○爲○上○將○平○陽○昭○公○主○副○之○鄧○曼○洗○氏○爲○
參○軍○荀○崧○少○女○爲○遊○奕○使○雖○方○行○天○下○不○難○矣○

靖○康○二○年○長○樂○女○中○屠○希○光○女○有○詩○才○既○適○秀○士○董○昌○遂○不○復○
事○吟○咏○食○貧○作○苦○晏○如○也○有○郡○豪○方○六○一○聞○其○美○而○工○於○詞○賦○
心○甚○慕○之○乃○密○使○人○誣○昌○陰○致○重○罪○至○族○復○佯○爲○周○旋○得○輕○比○

獨殺昌妻子俱免因使侍婢通慫慂強妻焉希光具知其謀謬
相許密寄其孤於昌友求利刃挾以往好言致謝因請葬夫而
後成禮六一喜以禮葬昌希光偽爲色喜斃粧入室候六一至
刺之帳中立死復詐言六一暴病以次呼其妻兒盡殺之滅其
宗因斬六一頭置囊中至昌葬所祭之悉召村民具以故告且
曰我事畢矣將從夫於地下遂自刎死

王莽時瑯琊南海有呂母者子爲縣吏犯小罪令杖殺之母思
報冤家貨故豐乃釀醇酒買刀劔衣服少年來治者輒賂與之
衣敝者假之不問直數年而財盡諸少年感其德相與謀償母
泣謂曰所爲厚資君者非求別望報也徒以邑宰妄殺我子止

殘暴久爲民害諸君肯共除之乎少年壯之皆許諾遂招合亡
命數千母自稱將軍引衆攻破海曲執宰數其罪諸吏爲叩頭
請免母曰吾子罪不當死爲宰在殺自古殺人者死律所當然
更兼爲害於民非一日矣又何請乎遂斬宰梟其首以祭子塚
因遂以兵屬劉盆子

觀申屠與呂姆千載之下猶烈烈有生氣使人望之而驚卽
之而畏仰之而可羨可敬女子耶丈夫哉

韓斬王夫人京口娼也嘗五更入府伺候賀朔於廟柱下見一
虎蹲臥鼻息訥訥然如雷鳴驥亟走出不敢聲言已而人至者
衆復往視乃一卒軀睡蹴之起問姓名爲韓世忠心異之歸密

告母謂此卒定非常人遂至家爲具酒食下夜盡歡資以金帛結爲夫婦後高宗中興立奇功稱名將遂封兩國夫人斬王嘗遂元术於黃天蕩幾成擒一夕鑿河遁去追之不及夫人疏言世忠失機縱敵有悞國事乞加罪責舉朝爲之動色

明謝天瑞高王母李氏于歸時高王父兄弟四人皆無恙未幾伯以縣通繫獄歲除將集宴李問曰何不見伯氏因道所以李曰歲云暮矣而不能脫兄於獄何顏稱丈夫乎爲問所逋幾何遂盡脫簪珥白高王父當亟出之高王父曰需新歲矣將母爲新婦容耶李大怒取而蹂踐之誓不以飾家人敬服因爲完課遂得釋歸

鄭路昆仲有爲江外官者。維舟江渚。羣盜奄至。以金幣列岸上。賊不取。曰。但得侍御小娘子足矣。因其女有美色。賊潛知之也。骨肉相顧。莫知所出。女欣然請行。曰。一無所害。我始願從賊。吳不犯具小舟挾之去。謂曰。君雖爲盜。得無所居與親屬乎。吾冠族也。旣爲汝婦。豈可以無禮見逼。若達汝止所。一會親族。純好逮。予願足矣。賊首肯。復指偕來二婢云。公旣以備爲名。此婢不應留。曷若歸我。舟賊旣悅其貌美。又聞其言正。而且順遂。散婢去。女卽赴水死。

此女有成竹在胸。故能猝然相遇了無怖畏。亦無係戀妙在全其舉家奇矣。又妙在并全二婢。更奇第使其父母何以爲。

情

白瑾妻山陰葛氏女也瑾素信弱葛爲善調節使讀書成化中以進士爲分宜令偕葛往明年瑾病踰時而庫中所貯銀尚數千會鄰境因饑致亂聚徒來劫縣固無城郭賊猝至簿丞挈家走匿葛獨分命家丁力拒兩門乃還瑾於他室埋其銀於汚池中而着瑾冠帶升堂以候賊賊至陽爲好言以相勞苦盡出其私藏銀珥衣服諸物與賊賊感謝而去不知其陰以表識卒差人以物色捕致之自此不復敢犯

明末李自成入大內宮人費氏年甫十六投簪井不得死賊鈞出之見其姿容甚美爭相奪費給云我長公主也不得無禮須

告汝主賊擁見自成令內官審視非是以賞部校羅賊費復給
曰我實天潢之胤義難苟合必將軍爲之擇吉成禮死生惟命
賊喜置酒極歡費顧勸其盡醉因懷利刃立斷其喉遂自刎死
自成義之命收葬焉

明嘉靖時婁江有孫太學者與京妓趙春兒善誓相嫁娶爲之
傾囊無何孫婦喪家益貧妓聞之爲召孫飲與申前盟以身委
焉孫素不善治產所携簪珥不久盡費妓日夜勤辟繡以供餽
粥如是數年孫已老成悔過還期將及自傷無貲中夜私泣妓
○全是經濟審其誠故令通告親朋求貸累日一無所遇孫益愧悔乃於日
坐辟績處使孫掘地得千金皆昔日所陰埋也孫以此得還縣

劇後遷按察司經歷官。橐稍豐。遂勸孫乞休。歸養。共享小康。以終其身。

劉憲遠至晉陽。議敘民財以賞軍士。夫人李氏曰。陛下因河東創業。未有惠澤及民。而先奪其生資。殆非新天子所以救民之意也。請悉出軍中所有以勞軍。雖不復厚。人必無怨心。從之。中外大悅。

姚廣孝初祝髮。姊戒之曰。汝既爲僧。當發慈心。及聞預靖難。嘆息曰。佛本慈悲。當如是耶。及爲少師。還吳。見姊。姊拒之曰。貴人何用到寒家。不納。費孝不得已。乃易僧服進謁。姊堅不肯出家。人咸勸之。強出立中堂。廣孝連連下拜。姊曰。我安用爾許多。

耶幾曾見做和尚不了的是好人言畢還內遂不復見

李克用困上元驛左右有先脫歸者以汴人爲變告劉夫人夫

何○弄○智○善○

人神色不動聲言其誑命立斬之陰召大將約束謀保軍以還

宋太祖將北征京師誼言軍中欲立點檢爲天子太祖惶遽歸

告家人曰人心洶洶如此將奈之何姊方在厨下治麵卽引麵

杖擊其肩逐之曰大丈夫臨事可男○是○氣○雄○決○計○否當自決胸懷乃來家恐怖

婦女何爲耶太祖嘿悟慨然而出

王經少苦貧仕至二千石母曰汝本寒家子今至二千石此可

以止乎經不能從爲魏尚書及曹髦被難并誅經因泣謂母曰

不遵母勅以至今日愧恨老母矣母顏色不變了無憾憾容笑

曰人誰不死向所以止汝者恐死不得其所也今爲子死孝爲臣死忠以此卒命何負我耶

豫章謝小娥年十四嫁溧陽段氏二姓同舟貿易江湖一日父與夫皆爲劫盜所殺小娥亦傷腦亟自投河漂流水中爲他船救而起轉輾乞食至江寧上元縣依妙果寺尼淨悟夢父語曰殺父者車中猿東門草夫曰殺我者禾中走一日夫醒不能解常書其語求智者辨之至元和八年李公佐泊舟建業登瓦官寺僧爲述其語李沉思良久忽悟召小娥曰車中猿猿爲申車夫兩頭申字在中東門草門內着東加上草頭禾中走乃禾田而過一日夫一夫加且殺汝父者乃申蘭殺汝夫者乃申春也

小蛾泣謝密書之。裹衣誓訪二賊以復冤。遂更男衣。購得江州。聞至潯陽郡。遇召傭者。應焉。問其主。卽申蘭也。小蛾頓哭。心雖憤恨。貌愈恭順。在蘭左右。積二歲餘。甚見親愛。金帛出入。靡不委托。每見已舟中之物。未嘗不暗泣。蘭弟春。家江北。獨樹蒲。一日忽携大鯉及酒。夕詣蘭室。羣賊畢至。歡呼酣飲。諸克旣去。至沉醉。臥於室內。蘭卽酣寢於庭。小蛾乃潛鎖春於戶。抽刀先斷蘭首。呼號鄰人。一時並至。相與縛春。獲賊萬計。一併解官。餘黨數人亦已默記其名。悉懸擒戮。太守張公嘉其節孝。免議。釋歸。小蛾因大誓已。雪竟剪髮爲尼。以終。

孟果妻周氏。果弟贖妻。其從妹也。家並豐財。初桓玄常推重果。

而劉適毀之。杲深自惋失。及劉裕將建義。與杲定謀。杲欲散家
資以充軍食。謂妻曰。劉適毀我於桓公。便是一生淪陷。夾當作
賊。以雪我憤。卿幸蚤爾離絕。脫得富貴。相迎不晚。周氏曰。君父
母在堂。欲建非常。豈婦人所諫事之不成。當於奚官中奉養大
家。義無歸志也。杲愴然起。周追杲坐。語云。觀君舉措。非謀及婦
人者。不過欲得財以佐餉耳。因舉懷中所生女曰。此而可賣。亦
當不惜。況資財乎。遂托以他用。傾貲給之。將及起事。又說頗妻
共出衣飾。悉以付杲。而家人咸莫之知。

明錦衣衛經歷沈鍊。以勦嚴相國黨得罪。謫保安丞。時總制楊
順巡撫路楷。皆嚴客。受世蕃指合策除鍊。乃捕自道。實鍊名。

入籍論斬沒其家并取其二子杖殺之復移文境越境公
名襄字小霞至則掠治困急且死會順權其被勒逮治襄得來
減問戍止與一愛妾赴戍所中道又聞嚴氏將使解役謀殺之
襄驚懼欲逃而顧愛妾不能割妾已會意謂曰君身沈氏宗
所係第去勿憂我自有處襄乃給押者言城中有年家某負我
金索可得以佐路費押者既利其貲又恃妾在不疑縱之往
不返急往詢云未嘗至復返叩妾妾持其襟大慟曰吾夫婦恩
難相守無頃刻離今去不返必汝受嚴氏指戕殺吾夫觀者如
市不能剖訴於監司亦疑嚴氏真有此事不得已權使妾寄食
尼庵立限責押者踪緝久之不得屢受杖責無可奈何反哀懇

於妾云裏實自竄毋枉我因以間逸去後嚴氏敗裏始出訟冤
詔捕順楷抵罪因復得與妾相聚一時盛稱其事楚人江進之
益科深嘉其賢爲作沈小霞妾傳以誌其美

沈小霞之逃實妾指使其逃也有三善焉一則沈氏宗祧有
繼一則留此身以待一則自經於溝瀆而莫之知縱然有
志從死有何出頭况喻之使去其胸中已有成算可以活其
夫并可以全其身又逆料嚴氏橫恣至惡貫滿盈決有翻身
日子何等見識何等作用令人起敬起畏

明萬曆中有邑宰坐事繫獄久不得雪自分必死而傷無嗣乃
破產營室置妾於近處厚賂典獄陰出入焉有任不肖竊其資

入賭博場爲邏卒所疑窮詰之因盡吐實引以潛歸室其妻
對食中堂猝至大驚夫著妾急起迎曰翁臆薄無相逼爾曹
翁素有隙耶曰無之曰若然不過欲多得金耳金屬我掌弟隨
我行當以飽汝而目送翁俾逸去邏者顧婦貌美而言甘乃留
一人守宰而羣尾入房妾指臥牀曰金在其巔携一小梯而登
衆自下調誑殊不爲怒笑聲達外須臾捧一匣下發之多金妾
曰未也再有巨箱大鑑寶焉衆爭攫金歡聲愈聞守者急欲分
金弗能忍足不覺其前字遂乘間逸衆懷金既饜出視失宰惶
懼欲走妾乃擇弱者一人力持之大呼劫金賊在衆奮拳齊毆
妾抵死不釋喊聲愈厲因動行人疾入視衆始寘止獲其一并

妾所持兩人送巡城御史妾訴羣兇淫貪狀并其所失齋產
毀數嚴刑拷鞠二人不能諱盡供其黨姓名質之悉擒至銀箔
在懷但以犯官私出爲辭妾請御史遣人驗視獄中則宰故在
焉衆語塞乃委罪於其侄潘怒并收其侄悉斃之杖下妾取故
金歸籍數以報宰終爲殿所傷病數日而卒

可憐事何以爲情

大快人心

爲衆辱而不怒拾多金而不吝被羣毆而不顧彼已有成見
於胸中失却宰則由其圖賴所以一見邏卒即便起迎且其
過爲調笑正欲借此以鼓動守者之欲俾其貪金捨宰而前
也衆心慧智頃刻生成但不知一弱婦人猝然臨事何以有
如許作畧豈非聰明機巧出於性生耶若使其得時而薦未

必不成絕大事業。惜乎爲彼小星。且又淹沒而死。各不得歸。紅顏薄命。良可惜也。

唐滕王極淫。諸官美妻無得脫者。詐言犯喚。卽行無禮。時有典籤崔簡妻鄭氏初至。王聞其美。遣使喚焉。欲不去。則懼威。欲去。恐被辱。計無所出。鄭曰。弟往無害。遂入。王中門外小閣。王在其內。卽欲逼之。鄭大呌曰。大王豈作是事。必家奴假冒王名耳。致隻履擊破王頭。抓面流血。妃聞而出。鄭乃得還。王慙。旬日不視事。簡故每日恭候。不敢離門。後王出坐。簡向前謝。王益自愧。乃悉出諸官之妻。自是永不復喚。先經被喚留內者。莫不含羞。

崇祿辛未七月。流賊趙四兒東渡山西。入沁水縣。縣北有寶莊。

乃故張忠烈銓之里居先是銓父尚書五典謂海內將亂築塹
爲堡甚堅至是賊來犯莊五典與銓已死子道濬道澤俱官京
師惟銓妻霍氏守舍衆議棄堡避去霍氏語少子道濬曰避賊
而出家不保出而遇賊身更不免等死耳死於家不猶愈於野
乎且我堅守賊必不得志躬率僮僕悉力守禦賊至環攻之堡
中矢石并發賊傷甚衆越四日乃退其出避山谷者多遇賊淫
殺惟張氏宗族獨全莫此兵備表其堡曰夫人城

建中末李希烈陷汴州將襲陳項城令李侃欲逃夫人曰寇至
當守力屈則死焉逃之若重賞募士可守也乃召吏民曰令誠
若主然歲滿則去非如吾輩生長此土也墳墓家室皆在宜相

與竭力死守。衆皆泣許。乃諭曰：以瓦石擊賊者，賞千錢；以刀矢殺賊者，賞萬錢。遂得數百人，率以乘城。婦乃自炊以享士，使輟賊曰：項城父老義不肯下，得我城不足爲威。徒失和好，無益也。會侃中流矢，退還。妻怒曰：君不在，誰爲守？死於外，不猶愈於牀乎？侃感動，遽登城。賊乃引去，城賴以完。